

**Баспасөз хабарламасы**

*Варшава қ., 23 желтоқсан 2025 жыл*

**«ҚазТрансОйл» АҚ пен «PERN» АҚ ынтымақтастық туралы келісімге қол қойды**

2025 жылғы 23 желтоқсанда Варшава қаласында «ҚазТрансОйл» АҚ пен «PERN» АҚ Польша Республикасының аумағындағы «Адамова Застава» пунктінде мұнайды қабылдау және тапсыру мәселелерін реттейтін ынтымақтастық туралы келісімге қол қойды.

Келісім тараптардың мұнайды қабылдау, тапсыру және есепке алу жөніндегі операцияларды жүзеге асыру кезіндегі өзара іс-қимыл тәртібін айқындайды. Құжатта технологиялық рәсімдер мен құжат айналымын жүргізу тәртібі, сондай-ақ үдеріс қатысушылары арасындағы функциялар мен жауапкершіліктің бөлінуі белгіленген. Келісім 2026 жылғы 1 қаңтардан бастап күшіне енеді.

Польшаның мұнай құбыры жүйесінің операторы «PERN» АҚ-мен ынтымақтастық Қазақстан мұнайының Германия бағытына тұрақты транзитін қамтамасыз ету, сондай-ақ Қазақстан Республикасының аумағынан басталатын бүкіл тасымалдау маршруты бойында магистральдық мұнай құбырлары операторлары арасындағы өзара іс-қимылды жолға қою тұрғысынан маңызды мәнге ие.

Қазақстан Республикасының магистральдық мұнай құбырлары жүйесінің ұлттық операторы – «ҚазТрансОйл» АҚ мұнайды ішкі және сыртқы нарықтарға тасымалдау кезінде ұлттық мүдделерді қамтамасыз ету бағытындағы жүйелі жұмысын жалғастыруда.

*«ҚазТрансОйл» АҚ - магистральдық мұнай құбырлары бойынша ұлттық оператор. "ҚазМұнайГаз" ҰК АҚ-ның еншілес ұйымы болып табылады. Ұзындығы 5,2 мың шақырым магистральдық мұнай құбырларының әртараптандырылған желісін иеленеді және ұзындығы 5 мың шақырымнан астам басқа ұйымдардың құбырларына операторлық қызметтер көрсетеді.*

**«ҚазТрансОйл» АҚ  
жұртшылықпен байланыс  
және ішкі коммуникациялар басқармасы**